



IV GOVERNO CONSTITUCIONAL  
SECRETARIA DE ESTADO DO CONSELHO DE MINISTROS

.....

**KOMUNIKADU BA IMPRENSA**

Sorumutuk Konsellu Ministru loron 6 Fulan Maio Tinan 2009

Konsellu Ministru hasoru-malun iha Kuarta-feira, loron 6 Fulan Maio Tinan 2009, iha Sala Sorumutuk Konsellu Ministru nian, iha Palásiu Governu, iha Díli, no analiza tiha ona:

**1. Rezolusaun ne'ebé aprova atu harí Komisaun Nasional konabá Preparativu hirik bá Desentralizasaun no Komisaun Distritu nian sira**

Hafoin aprova tiha 1<sup>o</sup> Kuadru Estratéjiku Desentralizasaun nian (KED I) ne'ebé aprova husi Governu, kuadru ne'e iha mos possibilidade atu harí Komisaun Nasional Preparativu (KNP) ida ho Komisaun Distrital Preparativu (KDP) nian sira.

Komisaun rua ne'e harí atu bele apoia Governu no Ministeriu Administrasaun Estatal no Ordenamentu Territoriu atu harí munisípiu foun sira. Sira sei supervizona implementasaun aktividade hirik husi 2.<sup>o</sup> Kuadru Estratéjiku Desentralizasaun nian, atu planeia no akompaña konstrusaun instalasaun hirik adekua ba estrutura municipal nian sira no atu kolabora iha bainhira atu prepara prosesu eleitoral nian sira.

Komisaun sira ne'e sei responsabiliza mos ba komunikasaun ho publiku konabá politika hirik Governu nian ba desentralizasaun.

**2. Proposta Lei Seguransa Nasional nian, Proposta Lei Defeza Nasional nian no Proposta Lei Seguransa Interna nian.**

Konsellu Ministru rona tiha ona Proposta Lei oin-oin ne'ebé mak hakarak atu regula aktuasaun conjunta Seguransa no Defeza Nasional nune'e mos Seguransa Interna. Aktuasaun conjunta ida ne'e bele aktua bainhira sai nu'udar forma unika ida atu kumpri propozitu hirik husi Estadu hodi la prejudika aktividade hirik autonoma husi area ida-idak.



IV GOVERNO CONSTITUCIONAL  
SECRETARIA DE ESTADO DO CONSELHO DE MINISTROS

.....  
**3. Apresentasaun Revizaun konabá Lei Kombatente Libertasaun Nasional nian.**

Hodi haré ba revizaun bá lei konabá Kombatente Libertasaun Nasional nian, mak Ministeriu Solidariedade Sosial apresenta proposta oin-oin konabá Frente Luta nian ba Independensia Nasional: Frente Klandestina, Frente Diplomátika no Frente Armada. Proposta hirak ne'e fo-sai bainhira hare ba mosaun ne'ebé Komisaun Eventual apresenta atu halo Revizaun bá Estatuto Kombatente Libertasaun Nasional no eis-kuadru Rezistencia Timor nian.